

宋
名
家
詞

惜香樂府卷三

春景

寶鼎現

上元

霽塵盡埽碧落輝騰元宵三五夏漏永遲遲停
鼓天上人間當此遇正年少盡香車寶馬次第
追隨士女看往來巷陌連甍簇起星球無數

政簡物阜清閒處聽笙歌鼎沸頻舉燈焰映庭
帷高下紅影相交知幾戶恣歡笑道今宵景色

勝却前時幾度細算來
皇都此夕消得喧傳今
古綺席成行爐噴裊沉檀
輕縷覩遨遊綵仗疑是
神仙伴侶欲飛去恨難留
住漸到蓬瀛步願永逢恁
時恁節且與風光爲主

青玉案

殘春

梅黃又見纖纖雨
客裏情懷兩眉聚
何處煙村啼杜宇
勸人歸去早
思家轉聽得聲聲苦
名利名縈絆
何時住
惱亂愁腸成萬縷
滿眼興亡知

幾許不如尋個老松石畔作個柴門戶

燭影搖紅

深春

梅雪飄香杏花開豔燃春晝銅駝煙淡曉風輕
搖曳青青柳海燕歸來未久向雕梁初成對偶
日長人困綠水池塘清明時候簾幙低垂麝
煤煙噴黃金獸天涯人去杳無憑不念東陽瘦
眉上新愁厯舊要消遣除非帶酒酒醒人靜月
滿南樓相思還又

念奴嬌

梅影

銀蟾光滿弄餘輝冷浸江梅無力緩引柔條浮
素蕊橫在閒窗虛壁染紙揮毫粉塗墨暈不似
今端的天然造化別是一般清瘦蹤跡今夜
翠葆堂深夢回風定因月才相識先自離愁那
更被曉角殘更催逼曙色將分輕陰移盡過眼
難尋覓江南圖上画工應爲描得

又

梅落

玉龍聲杳正瑤臺曲舞香山初徹褪粉搯酥千
萬顆滿地平鋪銀雪草褥香茵苔錢買住留待
黃昏月有人粧罷對花凝竚愁絕休更悵落
羞開東君情分自古多離別好把芳心收拾取
與個和羹人說擺脫風塵消停酸苦終有成時
節浮花浪蕊到頭不是生活

阮郎歸

咏春

和風暝日小層樓人閒春事幽杏花深處一聲

小字 卷一 二十九
鳩花飛水自流 尋舊夢續揚州眉山相對愁
憶曾和淚送行舟清江古渡頭

虞美人

春寒

東風捲盡辛夷雪逆旅清明節黃昏煙雨失前
山陟遍朱欄酒噤不禁寒 歸來誰護衣篝火
倒擁文鴛臥可堪連夜子規啼喚得春歸人却
未成歸

漁家傲

梅

蕙死蘭枯金菊槁返魂香入江南早竹外一枝
斜更好誰解道古今惟有東坡老坡梅詩云竹外一枝斜更好
去歲花前人醉倒酒醒花落無人掃今歲
花開人未到愁滿抱青山一帶連芳草

念奴嬌

菊

蘭枯菊槁是返魂香入江南春早谷靜林幽人
不見夢與梨花顛倒雪刻檀心玉勻豐頰粧趁
嚴鍾曉海仙么鳳綠衣何處飛遶竹外孤裊

一枝古今解道只有東坡老莫倚廣平心似鐵
閒把珠璣揮掃桃李興臺水霜賓客月地還淒
悄暗香消盡和羹心事誰表

玉樓春

春半

江村百六春強半拍拍池塘春水滿風團柳絮
舞如狂雨壓橘花香不散陰陰巷陌閒庭院
小立危欄羞燕燕不知何事未還鄉除却青春
誰作伴

謁金門

莫春

風又雨滿地殘紅無數花不能言
鶯解語曉來啼更苦
把酒東臯日暮抵死留春春去擬倩
楊花尋去處楊花無定據

眼兒嬌

春晚

樓上黃昏杏花寒斜月小闌干
一雙燕子兩行歸雁
画角聲殘綺窗人在東風裏
無語對春閒也應似舊盈盈秋水
淡淡春山

菩薩蠻

殘春

楊花飛盡鶯聲澀
杜鵑喚得春歸急
病酒起來遲
嬌慵懶画眉
寶奩金鴨冷
重喚燒香餅著
意煉龍涎
纖纖手
遶煙

画堂春

長新亭小飲

小亭煙柳水溶溶
野花白白紅紅惱人池上晚
來風吹損春容
又是清明天氣
記當年小院
相逢憑欄幽思幾千重
殘杏香中

又

賞海棠

夜來暝趁海棠時
臉邊勻透胭脂亂紅嬌影困
垂垂睡損楊妃
多少肉溫香潤朱唇綠鬢相
偎晚風何苦過臺西斷送春歸

卜算子

春景

春水滿江南三月多芳艸
幽鳥銜將遠恨來一
一都啼了
不學鴛鴦老回首臨平道人道長
眉似遠山山不似長眉好

念奴嬌

梅

見梅驚笑問經年何處收香藏白似語如愁却
問我何苦紅塵久客觀裏栽桃仙家種杏到處
成疎隔千林無伴淡然獨傲霜雪且與管領
春迴孤標爭肯接雄蜂雌蝶豈是無情知受了
多少淒涼風月寄隴人遙和羹心在忍使芳塵
歇東風寂莫可憐誰與攀折

又

梅

水邊籬落獨橫枝
冉冉風煙岑寂踏雪尋芳村
路永竹屋西頭遙識蕙艸香
銷小桃紅未醉眼
驚春色離愁何處斷腸無限陳跡
顚顚素臉
朱唇天寒日暮倚闌干無力
歲晚天涯驛使遠
難寄江南消息自笑平生憐清
惜淡故園曾親
植百花雖好問還有恁標格

菩薩蠻

梅

肩輿曉踏江頭月
月華冷漫消殘雪
雪月照疎

籬梅花三兩枝
人憐花淡薄
花恨人牢落
不似邨回時
醺醺醉玉肌

點絳脣

梅

開盡梅花雪殘庭戶春來早
歲華偏好只恐催人老
惟有詩情猶被花枝惱
金樽倒共成歡笑
終是清狂少

鷓鴣天

梅

手種梅花三四株
要看冰霜照清臞
朝來幾朶

茆檐下竹外江頭恐不如
凝玉面吐香鬚莫
嫌孤瘦漸豐餘化工不肯辜人意做底懽娛報
畬渠

又

送春

只慣嬌癡不慣愁離情渾不挂眉頭
可憐惱盡尊前客却趁東風上小舟
眞個去不懽留落花流水一春休
自怜不及春江水隨到滕王閣
下流

瑞鶴仙

暮春有感

海棠花半落正蕙圃風生蘭亭香撲青英暝池
閣任翻紅飛絮遊絲穿幙情懷易著奈宿醒情
緒正惡嘆韶光漸改年華荏苒舊歡如昨追
念凭肩盟誓枕臂私言盡成離索記得忘却當
時事卽時約怕燈前月下得見則個厭厭只待
覷著問新來爲誰縈牽又還瘦削

臨江仙

暮春

過盡征鴻來盡燕故園消息茫然一春顚顚有
人憐懷家寒食夜中酒落花天見說江頭春
浪渺慙勤欲送歸船別來此處最縈牽短篷南
浦雨疎柳斷橋煙

一鼓花

暮春
送別

堦前春草亂愁芽塵暗綠窗紗釵盟鏡約知何
限最斷腸湓浦琵琶南渚送船西城折柳遺恨
在天涯夜來魂夢到儂家一笑臉如霞顰啼

燕恨西窗下問何事潘鬢先華鐘動五更魂歸
千里殘角怨梅花

清平樂

春景

霽光搖目春入郊源綠殘雪壓枝堆爛玉時向
林間簌簌杖藜細履平沙醉中一任欹斜落
日數聲啼鳥香風滿路梅花

朝中措

咏春

亂山疊疊水泠泠南北短長亭客路如天杳杳

歸心特地寧寧
春光荏惹花朝冷落酒伴飄
零鬢影黃邊半白燒痕黑處重青

柳梢青

春詞

桃杏舒紅遲遲暝日媚景芳濃紫燕穿簾香泥
著地未乳巢空
千山萬水重重煙雨裏王維
畫中芳草斜陽無人江渡蓑笠漁翁

近豐城馬令字夢山舊日與張公舍人從遊
甚厚偶一日暇命道士請紫府仙忽画其灰

稱云我乃張孝祥也昔日死生之事天數難逃耳今不復云予幸歸紫府真人之列馬令遂具菓卓酌酒具服焚香而命飲勞焉凡三獻盃而稱有不樂之意馬遂具盃分東西之位張乃堅不肯東坐再三而馬遂居其東飲未終而又索呼妓爲佐罇馬如命令歌舞數曲又命画灰而云予亦醉矣別無所贈謹成小詞伸作別之意

予平生惟珍惜一端硯在本家書院洪字號
籠內宜取以贈馬君再画灰云仙風路隔後
會難期遂去後果於其家得硯再禱而請竟
不復至得其傳者樂邑詹凝叔堅欽而奉行
好事君子幸無以爲妖惑牛鬼蛇神之怪當
重張公平昔魁名文章善政在人耳目未泯
詳之無忽

原本析稍青亦郭近望城云、後教余平

生云、并本詞修意不甚相屬然仍舊

附卷末

惜香樂府卷三

惜香樂府卷四

夏景

花心動

荷花

綠水平湖浸芙蓉
爛錦豔勝傾國半
歛半開斜立斜欹
好似困嬌無力
水仙應赴瑤池宴
醉歸去美人扶策
駐香駕擁波心媚
容倩粧顏色

曾見茗川澄碧勻
粉面溪頭舊時相
識翠被繡裯彩扇
香篝度歲杳無消息
露痕滴盡風前淚

追往恨悠悠蹤跡動怨憶多情自家賦得

鼓笛慢

甲申五月仙舟東渡水鄉過餘生舊香閣人因感舊賦此詞以時病

照

暑風吹雨仙源過深院靜涼於水蓮花郎面翠
幢紅粉煖人香細別院新番曲成初按詞清聲
晚奈難堪羞澀朦鬆病眼無心聽笙簧美還
記當年此際嘆飄零萍蹤千里楚雲寂莫吳歌
淒切成何情意因念而今水鄉瀟灑風亭高致

對花前可是十分蒙斗肯辜歡醉

念奴嬌

碧舍笑

晚粧纔罷見攏絲勻玉一團嬌秀趁得年光長
是向金谷無花時候不比鴛鴦不關燕燕不似
章臺柳清涼無汗雪肌瀟灑難偶好是斜月
黃昏瑤堦鈿砌百媚初含酒惱殺多情香噴噴
雙靨盈盈回首傾國傾城千金莫惜蘭蕙應難
友沈郎拚了爲花一味銷瘦

惜香樂府

卷之四
三十九

汲古閣

滿庭芳

荷

竹飈斜梢荷傾餘瀝晚風初到南池雨收池上
高柳亂蟬嘶冉冉蓮香滿院夕陽映紅浸庭闌
涼生到碧瓜破玉白酒酌玻璃 思量浮世事
枯榮辱寵歡喜憂悲算勞心勞力得甚便宜粗
有田園笑傲揀些個朋友追隨好時景莫教挫
過撞著醉如泥

又

對景

紅藕洲塘黃葵庭院清風時動清颼素紈輕颭
涼色爽征衣一一光陰日月關情處前事難期
空凝想臨鸞有恨誰與画新眉刀頭心寸折
江南厚約惟是儂知念默歌停舞冷落屏幃何
日朱籠鸚鵡迎門報金勒東歸羅絃管合歡聲
裏爛醉玉東西

好事近

雨過對景

山路亂蟬吟聲隱茂林脩竹恰值快風收雨過

惜香樂府

卷之四

汲古閣

荷香芬馥 破除愁慮酒宜多把酒再三囑遙
想溪亭瀟灑稱晚涼新浴

虞美人

雙蓮

二喬姊妹新粧了照水盈盈笑多情相約五湖
遊似向羣花叢裏騁風流 丁香枝上千千結
怨惹相思切爭如特地嫁熏風吐盡芳心點點
絳唇紅

醉蓬萊

新篇
枝

正火山槐夏黛葉細枝荔子新摘千里馳驅薦
仙源佳席浪比龍晴未輸崖蜜燦爛然紅摘滿
貯彫盤纖纖素手丹苞新擘 梨栗簾疎帶酸
橘柚凡品多般總羞標格何似濃香洗煩襟仙
液爲愛真妃再三珍重價傾城傾國玉骨冰肌
風流醞藉直宜消得

又

午端

見浴蘭纔罷拂掠新粧巧梳雲髻初試生衣恰

惜香樂荷

卷之四

汲古閣

三裁貼體艾虎宜男未符辟惡好儲祥納吉金
鳳釵頭應時戴了千般忙戲 柳夏慙勤再三
祝願鬪巧合歡彩絲纏臂刻玉香蒲泛金觥迎
醉午日薰風楚詞高詠度遏雲聲脆赤口白舌
從今消滅諸餘可意

賀新郎

初夏

篆縷銷金鼎翠沉沉庭陰轉午晝長人靜芳艸
王孫知何處只覩楊花糝徑正玉枕夢騰初醒

門外殘紅春去也。悶無聊。宿酒厭厭病雲鬢。未懽整。江南舊事休重省。但今朝。尋消問息。塞鴻難倩。月滿西樓。凭欄處。暗數歸期未定。又只恐瓶沉金井。嘶騎不來。銀燭暗。枉教人立盡。梧桐影。誰伴我。照鸞鏡。

踏莎行

涼夜

樹影將圓。林梢不動。汗珠挹透紗衣重。荷風忽送雨飛來。晚涼習習生幽夢。珠箔高鉤。瑤琴

閒弄移樽邀取嬋嬋笑今宵拚著醉眠呵夜香
聞早添金鳳

醉落魄

重午

淡粧濃抹西湖人面兩奇絕菖蒲角黍家家節
水戲魚龍十里畫簾揭凌波無限生塵襪冰
肌瑩徹香羅雪遊船且莫催歸楫遮莫黃昏天
外有新月

卜算子

亭上納涼

新月挂林梢
暗水鳴枯沼
時見疎星落
画簷幾點流螢小
歸意了無多
故作連環遶
欲寄新詩問
採菱水濶煙波渺

阮郎歸

送別有感
因詠蜀作

東城沙軟馬蹄輕
清和雨乍晴
柳陰曲徑泣流鶯
淒涼不忍聽
休苦怨
莫悲鳴
何須雨淚傾
但將巧語寫心誠
東君肯薄情

蝶戀花

初夏

惜香樂府

卷之四
四十三

汲古閣

亂疊青錢荷葉小濃綠陰陰學語雛
巧小樹飛花芳徑草堆紅觀碧於中好
梅子弄黃枝上早春已歸時戲蝶遊蜂
少細把新詞纔和了雞聲已喚紗窗曉

鷓鴣天

夜釣月橋
賞荷花

新晴水暝藕花紅
烘人暑意晚來濃
芙蓉攜纖手
橋東路楊柳青青一徑風
深翠裏豔香中
雙鸞初下蒨珠宮
月籠粉面三更露涼透
蕭蕭一

夢中

江神子

夜涼對景

綵雲飛盡楚天空碧溶溶一簾風吹起荷花香
霧噴人濃明月淒涼多少恨恨難許我情鍾
相思魂夢幾時窮洞房中憶從容須信別來應
也歛眉峰好景良宵添悵望無計與一樽同

新荷葉

咏荷

冷徹蓬壺翠幢鼎鼎生香十頃琉璃望中無限

昔香樂府

卷之四

汲古閣

清涼遮風掩日高低襯密護紅粧陰陰湖裏羨
他雙浴鴛鴦 猛憶西湖當年一夢難忘折得
曾將葢雨歸思如狂水雲千里不堪更回首思
量而今把酒爲伊沉醉何妨

臨江仙

初夏

簾幙清風灑灑園林綠陰垂垂練花開遍麥秋
時雨深芳艸渡蝴蝶正慵飛 顚顚三春心事
風流一弄金衣韶光老盡起深思日長庭院裏

徙倚聽催歸

朝中措

夏首

荷錢浮翠點前溪
梅雨日長時
恰是清和天氣
雕鞍又作分攜
別來幾日
愁心折針線小蠻
衣羞對綠陰庭院
啣泥燕燕于飛

減字木蘭花

柳詠

柳絲搖翠翠
幄籠陰無限意
不絆行舟只向江
邊絆客愁
月明風細
分付一江流去
水嬌眼

傷春誰是章臺欲折人

卜算子

夏日送吳主簿

執手送行人
水滿荷花浦
舊恨新愁不忍論
淚
歷瀟瀟雨
行計已匆匆
無計留伊住
一點相思
萬里心
誰怕關山阻

臨江仙

賞興

柳上斜陽紅萬縷
烘人滿院荷香
晚涼初浴略
梳粧冠兒輕替枕
衫子染鴛黃
蓄意新詞輕

緩唱慙勤滿捧瑤觴醉鄉日月得能長仙源正
閒散伴我老高唐

雨中花令

初夏
遠思

綠鎖窗紗梧葉底
麥秋時曉寒慵起
宿酒厭厭殘香冉冉
渾似那時天氣
別日不堪頻屈指
回頭早一年不啻搔首無言
欄干十二倚了又
還重倚

西堂春

並下遊西
湖有感

惜香樂府

四十六

汲古閣

湖光寒雨碧連天
遠堤映草芊芊舞風揚柳欲
嘶綿依依起翠煙
還是春風客路對花空負
娟娟暮寒樓閣碧雲間
羅袖成斑

浣溪沙

夜涼小飲

露挹新荷撲鼻香
惱人更漏響浪浪柳梳斜月
上紗窗
小醉耳邊私語好
五雲樓閣羨劉郎
酒闌燭暗斷回腸

西江月

邀客堅老忠孝堂觀書

水滿平塘過雨洗粧紅褪芙蓉綠荷美影蔭龜
魚無限閒中景趣 瀟洒高堂邃館那堪左右
圖書凌雲賦得似相如多少風流態度

卜算子

四明別
周德遠

閒路踏花來閒逐清和去來去雖然總是閒多
少傷心處 紅碧好池塘朱綠深庭戶隨分山
歌社舞中且樂陶陶趣

清平樂

忠孝堂雨過荷花爛然晚
晴可人因呈李宜山同舍

水鄉清楚襟袖銷穉暑綽約藕花初過雨出浴
楊妃無語葡萄滿酌玻璃已拚一醉酬伊浪
捲夕陽紅碎池光飛上簾幃

又

初夏
舞宴

清和時候底事休交瘦滿酌流霞看舞袖步步
錦裯紅皺六么舞到虛催幾多深意徘徊拚
了明朝中酒爲伊更飲瓊盃

浣溪沙

初夏

霧透龜紗月映欄
麥秋天氣怯衣單
練花風軟曉來寒
嬾起鴈煤重換火
暝香濃處歛眉山
眼波橫漫綠雲鬟

又

初夏有感

薄霧輕陰釀曉寒
起來宿酒尙酡顏
柳鵲何事苦關關
新恨舊愁俱喚起
當年紫袖看弓彎
淚和梅雨兩潸潸

鷓鴣天

初夏試生衣而婉卿持素扇索詞因作此書于扇上

惜香樂府

卷之四

汲古閣

牙領番騰一線紅
花兒新樣喜相逢
薄紗衫子輕籠玉
削玉身材瘦怯風
人易老恨難窮
翠屏羅幌兩心同
旣無閒事縈懷抱
莫把雙蛾皺
碧峰

菩薩蠻

初夏

方池新漲蒲萄綠
曉來雨過花如浴
測測杏園風
梢頭一颭紅
危樓愁獨倚
一寸心千里
宿酒尙微醺
嬾裝堆髻雲

西江月

夏日有感

穩唱巧翻新曲
靈犀密意潛通
荷花香染晚來
風相對恍然如夢
有恨眉尖皺碧
多情酒暈生紅
此愁不是等閒
濃應爲仙源傾動

浣溪沙

初夏

睡起風簾一派垂
失巢燕子傍人飛
日長深院委香泥
綠筍出林翻錦籜
紅葵著雨褪胭脂
微風度竹入輕衣

蝶戀花

和任路
分荷花

憶昔臨平山下過無數荷花照水無纖艸短艇
直疑天上坐醉眠花裏香無那雨浥紅粧嬌
娜娜脉脉含情欲向風前破莫道晚來風景可
青房著子千千顆

浣溪沙

爲王參
議壽

密葉陰陰翠幄深梅黃弄雨正頻頻榴花照眼
一枝新緜嶺有人今毓粹飛鳧不日遶嚴宸

一樽敬壽太夫人

又

呈趙
狀元

雨過西湖綠漲平
環湖密柳暗藏鶯
麥秋天氣似清明
對策有人新切直
逢春不日盡施行
扁舟未用速歸程

青玉案

歷波
鵬客

結堂雄占雲煙表
萬象爭呈巧
老木參天溪西
遶亂山橫秀
一湖澄照天付陰晴好
夜空喚

客清樽倒明月飛來上林杪涼滿九霄風露浩
酒慵起舞一聲清嘯平壓波聲小

又

恍如遼鶴歸華表閨盡人間巧天乞一堂山對
遶微波不動岸巾時照照見星星好舞風荷
蓋從欹倒碧樹生涼自天杪誰識元龍胷次浩
騎鯨欲去引盃獨嘯醉眼青天小

謁金門

一雨晴煩暑自流
正火神餘日次韻

今夜雨埽盡一番袪暑宛似瀟瀟鳴遠浦短篷
何日去自漉床頭玉醕清興有誰知否反笑
功名能幾許槐宮非浪語

惜香樂府卷四

惜香樂府卷五

秋景

念奴嬌

客孫章秋
雨懷端

江城向曉被西風揉碎一天絲雨亂織離愁千
萬縷多少關心情緒促織鳴時木犀開後秋色
還如許邨堪飄泊異鄉千里孤旅應想簾幙
閒垂西樓東院齊把歸期數記得臨岐收淚眼
執手叮嚀言語白酒紅萸黃花綠橘莫等閒辜

惜香樂府

卷之五

汲古閣

負朱龍歸騎甚時先報鸚鵡

又

秋目
牡丹

花王有意念三秋寂莫淒涼天氣木落煙深山
霧冷不比尋常風味勒駕閑來柳蒲顚顚無限
驚心事仙容香豔儼然春盛標致雅態出格
天姿風流醞藉羞殺巖前桂寄語芙蓉臨水際
莫騁芳顏妖麗一朵凭欄千花退避惱得騷人
醉等閒風雨更休憊容易

聲聲慢

府判
生辰

金風玉露綠橘黃橙商秋爽氣飄逸南斗騰光
應是閭生賢出照人紫芝眉宇夏仙風誰能儔
匹細屈指到小春時候恰則三日莫論早年
富貴也休問文章有如椽筆堯舜逢君啟沃定
知多術而今且張錦幄麝煤泛暎香鬱鬱華堂
裏聽瑤琴輕弄水仙新律

瑞鶴仙

張宣
生辰

惜香樂府

卷之三

汲古閣

西風蘋末起動院落清秋新涼如水織歌過雲
際正美人翻曲陽春輕整蘭衣玉佩擁南斗光
中一醉有邦人萬口同聲贊嘆我公愷悌百
里年豐穀稔事簡刑清頌聲盈耳鵬程九萬摩
空展坐天翼定丹書飛下彤墀歸去秘略家傳
小試看封留亘古功名未容退避

滿庭芳

七

雨洗長空風清雲路又還準備佳期夜涼如水

一似去秋時渺渺銀河浪靜星橋外香靄徘徊
霞輶舉鸞鵲馭穩穩過飛梯經年成間阻
相逢無語應喜應悲怕玉繩低處依舊睽離和
我愁腸萬縷嫦娥怨底事來遲廣寒殿春風桂
魄首與慰相思

水調歌頭

中秋

今夕知何夕秋色正平分嫦娥此際底事越樣
好精神已是天高氣肅那更清風灑灑萬里沒

惜香樂府

卷之五
五十四

汲古閣

纖雲把酒臨風飲酒面起紅鱗
歌一曲舞一曲捧金樽從他妄想
老兔顛顛正紛紛我爲桂花拚
醉明日扶頭不起顛倒白綸巾
天若知人意夜雨莫傾盆

驀山溪

越古人詩云滿城風雨近重陽
四更此詞

滿城風雨又是重陽近黃菊媚
清秋倚東籬商量開盡紅萸白
酒景物一年年人漸遠夢還稀
贏得無窮恨釵分鏡破一一開
方寸強醉欲

消除醉魂醒淒涼越悶鴛鴦宿債償了惡因緣
當時事祇今愁斑盡安仁鬢

洞仙歌

水犀

芰荷已老菊與芙蓉未一夜秋容上巖桂間繁
蕪嫩黃染就瓊瑰開未足已早香傳十里從
前分付處明月清風不用斜暉照佳麗嘆浮花
徒解咤淺白深紅爭似我瀟灑堆金積翠看天
濶秋高露華清見標致風流更無塵意

虞美人

中秋無月

西風明月臨臺榭，準擬中秋夜。一年等待到而今，爲甚今宵陡頓却無情。姮娥應怨孤眠苦，取次爲雲雨。素蟾特地暗中圓，未放清光容易到仙源。

醉蓬萊

七月命赴清武廟，臺生人餞于法回寺，侍兒才卿乞詞，因此賦之。題

于壁

正金風無露，玉宇生涼。楚郊無暑，催起行人，恰

槐黃時序萬里晴霄幾人爭覩快鵬搏一舉明
月圓時素秋中夜凌雲新賦 邨夏淵源詞鋒
輕銳筆陣縱橫學通今古譽望飛騰是麟宗文
虎魁薦歸來華堂香裏與管弦爲主待看明年
彤墀射策鰲頭獨步

洞仙歌

殘秋

黃花滿地庭院重陽後天氣淒清透襟袖動離
情最苦旅館蕭條邨堪夏風剪凋零飛柳 臨

岐曾執手祝付叮嚀知會別來念人否爲多情
生怕分離祇知道準擬別來消瘦甚苦苦促裝
赴歸期要趁他橘綠橙黃時候

夏雲峯

初秋
有作

露華清天氣爽新秋已覺涼生朱戶小窗坐來
低按秦箏幾多妖豔都總是白雪餘聲卽夏玉
肌膚韻勝體段輕盈 照人雙眼偏明況周郎
自來多病多情把酒爲伊再三著意須聽銷魂

無語一任側耳與心傾
是我不卿卿
更有誰可卿卿

感皇恩

送林縣尉

碧水浸芙蓉
秋風楚岸三歲光陰
轉頭換且畱
都騎未許匆匆
分散更持盃酒
慙勤勸休作
等閒別離人
看且對笙歌
醉須拚如君才調
掌得玉堂詞翰
定應不久勞州縣

瑞鶴仙

歲秋有感

惜香樂府

卷之五
五十七

汲古閣

敗荷擎沼面紅藥舞林梢
光陰何速碧天靜如水
金風透簾幙露清蟬伏
追思往事念當年悲
傷宋玉漸危樓向晚魂銷處
倚遍闌干曲凝
目一霎微雨塞鴻聲斷
酒病相續無情賞處金
井梧東籬菊漸蘭橈歸去
銀蟾滿夜水村煙渡
怎宿負伊家萬愁千恨
甚時是足

臨江仙

送宜
春令

萬里西風吹去旆
滿城無奈離情
甘棠也似戴

公深曉來風露裏葉葉做秋聲
十載兩番遺愛在須知愁滿
宜春楚天低處是歸程夕陽疎
雨外莫遣亂蟬鳴

又

秋日有感

楓葉白蘋秋未老晚風吹泛輕艫
青山瀝瀝水茫茫情隨流水遠恨
逐算山長一點相思千點淚眼前
無限情傷佳人猶自捧離觴陽關
休唱徹唱徹斷人腸

鷓鴣天

澤秋
過

亭樹蕭蕭生暮涼
安排清夢到胡床
楚山楚水
秋江外
江北江南客恨長
蘋渚冷
橘汀黃
斷魂殘夢更斜陽
欲將此日悲秋淚
灑向江天哭楚狂

驀山溪

秋日賀張
公土辰

木犀開了還是生辰到
一笑對西風
喜人與花
容俱好
壽筵開處
香霧撲簾幃
笙篴奏星河曉

拚取金鑿倒 當年仙子容易拋蓬島月窟與
花期要同向人間不老拈枝弄蕊此樂幾時窮
一歲裏一番新莫與蟠桃道

水調歌頭

重陽

江水漫雲影鴻雁欲南飛攜壺結客何處空翠
渺煙霏塵世難逢一笑況有紫萸黃菊須插滿
頭歸風景今朝是身世昔人非 酬佳節須酩
酊莫相違人生如寄何用辛苦怨斜暉無盡今

惜香樂府

五十九

沈氏閣

來古往幾許春花秋月
那更有危機問取牛山
客何事獨沾衣

踏莎行

卜
犀

弄影攔干吹香巖谷風亭
慘作黃金屋未須收
拾入鼎爐窗前細把離騷讀
奴僕葵花兒曹
黃菊一秋風味淒涼足
旁邊只少箇嫦娥分明
勝在蟾宮宿

臨江仙

初
秋

獵獵風蒲初暑過蕭然庭戶秋清野航渡口帶
煙橫晚山千萬疊別鶴兩三聲 秋水芙蓉聊
蕩槳一樽同破愁城蓼花灘上白鷗明暮雲連
極浦急雨暗長汀

醉落魄

秋夜感懷

傷離恨別愁腸又似丁香結不應斗頓音書絕
煙水連天何處認紅葉 殘夏數盡銀缸滅邊
城画角聲鳴咽羅衾淚滴相思血花影移來搖

碎半窗月

好事近

秋殘

初過菊花天
餞送月宮仙
客丹桂拒霜濃淡映
眉間黃色
紅裙歌夜飲
離觴弩力赴勅敵惟
願捷書來到道一聲都得

菩薩蠻

七夕

綺樓小小穿針女
秋光點點蛛絲雨
今夕是何
宵龍車烏鵲橋
經年謀一笑
豈解令人巧不

用問如何人間巧更多

卜算子

秋深

涼夜竹堂空
小睡囟囟醒
庭院無人月
上堦滿地
攔干影
何處最知秋
風在梧桐井
夜半驂鸞
弄玉笙
露溼衣裳冷

點絳脣

蓼岸西風小
舟江上漁歌唱
倚攔凝想
羃羃雲垂帳
好事因循寂
莫閒惆悵
如何向
又來心

惜香樂府

卷之五
六十一

汲古閣

上空間高亭望

好事近

秋晚

浙浙蓼花風怪道曉來淒惻翻見密雲拋雨動
一山秋色 從前多感爲傷時無處頓然寂箇
事已寒前約祇晚陰凝碧

思越人

向刻品令非
秋日感懷

情難托離愁重悄愁沒處安著邨堪更一葉知
秋天色兒漸冷落 馬上征衫頻搵淚一半斑

斑污却別來爲憶叮嚀話空贏得瘦如削

小重山

秋雨

一夜西風響翠條碧紗窗外雨長涼
颼潮來綠漲水平橋添清景疎雨韻入芭蕉
坐久篆煙銷多情人去後信音遙
即今消瘦沈郎腰悲秋切虛度可人宵

採桑子

岩桂

去年岩桂花香裏著意非常月在東廂酒與繁

華一色黃 今年盃酒流連處銀燭交光往事
難忘待把真誠問阿郎

朝中措

曾端行子與之往還一日作樓于南山仙源醉賞酒中作詞書于壁

坐前數妓乞詞而歌以勸大白
因有所感再和前韵○秋景

柳林羃羃暮煙斜秋水淺平沙樓外碧天無際
紫山斷處橫霞 星稀漸覺東簷隱月涼到窗
紗多少傷懷往事隔溪燈火人家

又
和

征帆一縷轉，鸞斜驚鷺起。汀沙點點隨風逆，上
滿江飛破殘霞。樓前光景，樓心紅粉，蟬翼輕
紗。却憶錢塘江上，曲欄橫檻，他家。

洞仙歌

東園朱去年三兄弟同處十年俱
取鄉薦故余與之爲莫逆交園有

岩桂數畝至秋日花開月滿攜
壺來賞如到廣寒宮殿因賦此

廣寒宮殿不在人間，世分付天香與岩桂。向西
風搖曳處，數十里知聞金翠。裏別有出羣標致。
東園盛事，五畝濃陰，芘必以詩書取榮貴。況

一門三秀才未足欽崇邨夏是異姓同居兄弟
夏細把繁英祝姮娥看禹浪飛騰定應來歲

似娘兒

或刻青杏
兒○殘秋

橘綠與棖黃近小春已過重陽晚來一霎霏微
雨單衣漸覺西風冷也無限情傷孤館最淒
涼天色兒苦恁恹惶離愁一枕燈殘後睡來不
是行行坐坐月在迴廊

蝶戀花

深秋

一夢十年勞憶記社燕賓鴻來去何容易宿酒
半醒便午睡芭蕉葉映紗窗翠 襯粉泥書雙
合字鸞凰鴛鴦總是雙雙意已作吹簫長久計
鴛衾恐有中宵淚

夜行船

送胡彥直
歸槐溪

淚眼江頭看錦樹別離又還秋算細水浮浮輕
風冉冉穩送扁舟去 歸去江山應得助新詩
定須多賦有雁南來槐溪千萬寄我驚人句

清平樂

秋

鴻來燕去又是秋光
暮冉冉流年嗟暗度
道心事還無據
寒窗露冷風清
旅魂幽夢頻驚何
日利名俱賽爲予笑下愁城

又

秋容眼界隨寓渾堪愛
遠岫連天橫淡靄望斷
孤鴻飛外
夕陽紅樹林垆重重
錦障橫陳一
段江南景色倩誰爲下丹青

一剪梅

秋雨感思

霽靄迷空曉未收
羈館殘燈永夜悲
秋梧桐葉
卜三更雨別是人間一段愁
一睡又不成夢又
休多愁多病當甚風流
真情一點苦縈人纔下
眉尖恰上心頭

南歌子

道中直重九

此日知何日他鄉憶故鄉
亂山深處過重陽走
馬吹花無復少年狂
黃菊擎枝重紅茱溼露

香扇舟隨雁過瀟湘遙思萊庭應恨不同觴

醉花陰

建康重九

老去悲秋人轉瘦
更異鄉重九人意自淒涼
祇有茱萸歲歲香依舊
登高無奈空搔首
落照歸鴉後
六代舊江山滿眼興亡一洗黃花酒

菩薩蠻

秋雨船中

西風轉
掩菰葭浦客愁生怕秋闌雨
衾冷夢魂驚
聲聲滴到明
不眠欹枕聽故故添新恨
新

恨有誰知天寒雁正稀

又

秋老
江行

炊煙一點孤村迥
嬌雲斂盡天容淨
雁字忽橫秋秋江瀉客愁
銀鈎空寄恨恨滿憑誰問袖
手立西風舟行秋色中

浣溪沙

早秋

雨滴梧桐點點愁
冷催秋色上簾鈎
蛩聲何事早知秋
一夜涼風驚去燕
滿川晴漲漾輕鷗

惜香樂府

卷之五
六十六

汲古閣

懷人千里思悠悠

惜香樂府卷五